

**ODLUKU****o osnivanju, organizaciji i funkcionisanju  
mjesnih zajednica na području općine Zavidovići****Član 1.**

Odlukom o osnivanju, organizaciji i funkcionisanju mjesnih zajednica na području općine Zavidovići (u daljem tekstu: Odluka), osnivaju se i utvrđuju nazivi mjesnih zajednica u općini, granice mjesnih zajednica, odnosno naselja ili dijelovi naselja za koje se obrazuje mjesna zajednica, sjedište mjesne zajednice, određivanje ovlaštenog lica za podnošenje prijave za upis u registar mjesnih zajednica, organi mjesne zajednice i drugi odnosi.

**Član 2.**

U općini Zavidovići osniva se 19 (devetnaest) mjesnih zajednica.

Nazivi mjesnih zajednica su:

1. Mjesna zajednica Branioci grada,
2. Mjesna zajednica Dolina Alići
3. Mjesna zajednica Klek
4. Mjesna zajednica Asim Čamdžić
5. Mjesna zajednica Pašin Konak
6. Mjesna zajednica Mećevići

7. Mjesna zajednica Rujnica
8. Mjesna zajednica Kovači
9. Mjesna zajednica Brezik
10. Mjesna zajednica Krivaja- Smailbašići
11. Mjesna zajednica Vozuća
12. Mjesna zajednica Ribnica
13. Mjesna zajednica Gostović
14. Mjesna zajednica Lovnica
15. Mjesna zajednica Dubravica
16. Mjesna zajednica Donji Gostović
17. Mjesna zajednica Maoča
18. Mjesna zajednica Mahoje
19. Mjesna zajednica Dolac

**Član 3.**

Mjesna zajednica Branioci grada obuhvata ulice: Stjepana Radića, dio ulice Matije Gupca, Omladinsku, Sarajevsku, Travničku, Igmansku, Viniški put, Brdsku, Davulijski put, Zavidovički put, Maršala Tita, Radničku, Bosansku, Safvet Bega Bašagića, Podubravlje, Ćumuranu, Kulina Bana, Hasana Kjačije Prušćaka i Ajvaz Dedinu.

Naseljena mjesta: Majdan, Gornje selo, Gradina, Džebe i Ridžali.

**Član 4.**

Granice Mjesne zajednice Branioci grada, prema Mjesnoj zajednici Dubravica je urbana granica grada prema naseljenom mjestu Dubravica, a prema općini Žepče i Maglaj granica je administrativna granica općine Maglaj, Zavidovići i Žepče, a prema Mjesnoj zajednici Dolina-Alići granica ide od prvog podvožnjaka pruge Doboj-Zenica od kuće Smajić Dželila, granica se pruža putem do šume zv. «Liplje» i nastavlja se prema brdu zv. «Kokina voda», zatim dalje pruža do Alićkog groblja, zatim putem nastavlja prema njivama zv. «Maoče» do potoka «Babina rijeka», odakle je i počela, a granica prema mjesnim zajednicama Asim Čamdžić i Klek ide rijekom Bosnom do bivšeg Grginog mlina koji se nalazi ispod ušća rijeke Gostović u rijeku Bosnu.

#### **Član 5.**

Mjesna zajednica Dolina-Alići obuhvata naseljena mjesta Dolina, Alići i Krtošići.

#### **Član 6.**

Granice Mjesne zajednice Dolina-Alići su:

1. Prema Mjesnoj zajednici Branioci grada opisane u članu 4.,
2. Prema mjesnim zajednicama Rujnica, Mećevići i Dolac rijeka Bosna čini prirodnu granicu,
3. Granice Mjesne zajednice Dolina-Alići, prema općini Maglaj su granica općina Zavidovići i Maglaj.

#### **Član 7.**

Mjesna zajednica Klek obuhvata naselja Potklečje, Naselje 2-gi km i ulice Zlatnih ljiljana, Patriotske lige, Mehmed Spahe, Mehmed Paše Sokolovića, Potklečki put, Prvomajska, Husein kapetana Gradaševića, Fabio Moreni, Guido Pulleti i Sergio Lane.

### **SLUŽBENI GLASNIK OPĆINE ZAVIDOVIĆI**

**broj 8/2004**

- 295 -

#### **Član 8.**

Granice Mjesne zajednice Klek su:

1. Mjesnu zajednicu Klek od Mjesne zajednice Asim Čamdžić dijeli ulica Savfet bega Bašagića od mosta na rijeci Bosni do fudbalskog stadiona ide iza kuće Džale Štefe i pruža se potokom do kuće Džinić Kerima i završava kod antenskog stuba na Kleku,
2. Prema Mjesnoj zajednici Gostović od antenskog stuba na Kleku sa istoka i spušta se između naseljenih mjesta Potklečje i Petkovići do rijeke Gostović na stipovićkom mostu.
3. Prema Mjesnoj zajednici Lovnica od stipovićkog mosta ispod naseljenog mjesta Stipovići, ispod šume zv. Stražica, iznad naselja 2.km nastavlja do naselja Dolovi gdje se spušta prema rijeci Bosni kod Dabića vira. Dalje granica Mjesne zajednice Klek rijekom Bosnom odvaja ovu Mjesnu zajednicu od Mjesne zajednice «Branioci grada» i općine Žepče.

#### **Član 9.**

Mjesna zajednica Asim Čamdžić obuhvata naselje Skroze i ulice: Česme, Gazija, Dr.Pinkasa Bandta, Gazihusrefbegova, Abdulvehaba Ilhamije, Dragovački put, Savfet bega Bašagića, Narodnog fronta, Naselje solidarnosti i Markovac, Voćarski put, Krivajska i dio ulice Patriotske lige (Naselja Stadion i «ABC» blokovi).

#### **Član 10.**

Granice Mjesne zajednice Asim Čamdžić su:

1. Prema Mjesnoj zajednici Klek opisane u članu 8. stav 1.
2. Planina Klek razdvaja teritoriju Mjesne zajednice Asim Čamdžić od teritorije

Mjesne zajednice Gostović,

3. Prema Mjesnoj zajednici Kovači granica je istočno od Kleka i pruža se između naseljenih mjesta Skroze, Vikovići, prelazi rijeku Krivaju iznad žičanog mosta i naseljenog mjesta Stavci pruža se iznad Sabitovog brda do iznad Uljića,

4. Prema Mjesnoj zajednici Mećevići nastavlja se iznad Uljića i pruža se do potocića kod kuće Mešića i završava na rijeci Bosni kod kuće Mahmić Murisa,

5. Prema Mjesnoj zajednici Branioci grada završava se kod mosta na rijeci Bosni odnosno do ulice Safvet bega Bašagića.

#### **Član 11.**

Mjesna zajednica Pašin Konak obuhvata sela i zaseoke: Delići i Huskići, Borik i Hasanoviće, Imamovići, Kljenik, Lišiće, Bjelkići i Garići, Pašin konak, Vučje polje, Kruščice, Plužine i Oskoruše, Mujkići, Merdanovići, Omići, Omar, Osmići i Suljići, Mramorje, Potok i Mali Junuzovići, Laz, Livade i Božići, Kuljani, Bratanovići, Rudača, Dedići, Čevaljuša Gornja, Čevaljuša Donja, Riječani, Karačići, Vrela i Kuvelj.

#### **Član 12.**

Granice Mjesne zajednice Pašin Konak su:

1. Prema Mjesnoj zajednici Kovači putem od Mramorja do Rudača, te starim putem od Rudača iza karaličkog visa i Žižaka do brda Novakuša,
2. Prema Mjesnoj zajednici Brezik od brda Novakuša potokom Maglajac do rijeke Krivaje i do potoka Hinjevina,

***SLUŽBENI GLASNIK OPĆINE ZAVIDOVIĆI***

***broj 8/2004***

- 296 -

3. Prema Mjesnoj zajednici Krivaja-Smajlbašići granica ide od ušća potoka Hinjevina uzvodno do Zveknog kamena, zatim ide istočno Keserskim stranama i spušta se kod potoka Biotić, zatim ide uzvodno potokom Biotić do Šuplje Bukve, gredom Podcjelova do granice sa općinom Banovići,

4. Dalje međuopćinskom granicom Zavidovići-Banovići, Zavidovići-Lukavac i Zavidovići-Maglaj do granice sa Mjesnom zajednicom Rujnica,

5. Prema Mjesnoj zajednici Rujnica od općinske granice Maglaj proteže se iza naseljenog mjesta Tursići i preko rijeke Rujnica nastavlja između Gornjih Junuzovića i Mednjika i kod Mramorja završava na putu Zavidovići-Hajderovići.

#### **Član 13.**

Mjesna zajednica Mećevići obuhvata sela i zaseoke: Mećevići, Krčevine, Trnovače, Grab i Kućare.

#### **Član 14.**

Granice Mjesne zajednice Mećevići su:

1. Prema Mjesnoj zajednici Asim Čamdžić opisana u članu 10. stav 4.
2. Prema Mjesnoj zajednici Kovači starim putem od Uljića, preko Davulija, Brda i Visoke glavice prema Mramorju do puta Zavidovići-Hajderovići,
3. Od kuće Mahmić Murisa rijekom Bosnom graniči sa Mjesnom zajednicom Branioci grada i Mjesnom zajednicom Dolina-Alići do Šabinog potoka, prema granici Mjesne zajednice Rujnica,
4. Prema Mjesnoj zajednici Rujnica od Šabinog potoka i uz potok do Begluka i prema

Kuvelju gdje završava sa teritorijom Mjesne zajednice Kovači prema Markovom brdu.

#### **Član 15.**

Mjesna zajednica Rujnica obuhvata sela i zaseoke: Jolde, Luke, Selište, Šabin potok, Zagaj, Mednjik, Hurići, Hadrovići, Kazići, Gornja Blizna i Tursići.

#### **Član 16.**

Granice Mjesne zajednice Rujnica su:

1. Prema mjesnim zajednicama Pašin Konak i Mećevići opisane su u članu 12. stav 5. i članu 14. stav 4.

2. Granica od Sajlovog potoka ide prema brdu Vis i Trešnjica, a odatle pobrđem ide do Rujničke rijeke kod Velike okrete, a odatle se penje na Veliku Stražbu. Od Velike Stražbe spušta se na Bezimeni potok do Mustafine česme, gdje presijeca put Zavidovići-Maglaj i spušta se u korito rijeke Bosne. Sredinom korita rijeke Bosne nizvodno ide do ušća Bezimenog potoka kod kuće Lazić Rajka, odatle granica uz Bezimeni potok ide do parcele Frkatović Ismeta, a zatim uz Prijeke njive, putem za Bliznu dolazi do raskršća puta za Donju Bliznu i Bočinjsku crkvu. Odatle granica nastavlja jugoistočno pored kuće Arsenović Čede (k.č.71/2 K.O.Dolac) i ide granicom k.č.220; k.č.218/2; k.č.215/2 sa lijeve strane i k.č.221/1 – državno vlasništvo sa desne strane i dolazi do kolskog puta (k.č.197) kod kuće Jošić Ratka (k.č.202/1). Granica dalje ide sjeveroistočno do «Jezeru» gdje izlazi na granicu sa općinom Maglaj, što čini granicu Mjesne zajednice Rujnica sa Mjesnom zajednicom Dolac.

### **SLUŽBENI GLASNIK OPĆINE ZAVIDOVIĆI**

**broj 8/2004**

- 297 -

#### **Član 17.**

Mjesna zajednica Kovači obuhvata sela i zaseoke: Mustajbašići Donji, Mustajbašići Gornji, Kovači Gornji, Dragovići, Kovači-stanica, Džiniće, Stavci, Brijeg, Karalići, Žišci, Hrkići, Vikovići Donji i Vikovići Gornji.

#### **Član 18.**

Granice Mjesne zajednice Kovači su:

1. Prema mjesnim zajednicama Asim Čamdžić, Mećevićima i Pašin Konaku opisane su u članu 10. stav 3., članu 14. stav 2. i članu 12. stav 1.

2. Prema Mjesnoj zajednici Brezik, brdom Hum, preko rijeke Krivaje, potokom zv. Skakavac do vrha Klek i do Mahovskog visa,

3. Prema Mjesnoj zajednici Gostović od Mahovskog visa preko Kleka do granice sa Mjesnom zajednicom Asim Čamdžić.

#### **Član 19.**

Mjesna zajednica Brezik obuhvata sela i zaseoke: Krajnići, Ismići i Brašljevine, Luke, Memići, Lug, Brezik, Brezik polje, Hum i Podvolujak.

#### **Član 20.**

Granice Mjesne zajednice Brezik su:

1. Prema mjesnim zajednicama Kovači i Pašin konaku opisane su u članu 18. stav 2. i

članu 12. stav 2.,

2. Prema Mjesnoj zajednici Krivaja-Smailbašići od ušća potoka Biotić uzvodno rijekom Krivajom do iza Pavetine,

3. Prema Mjesnoj zajednici Gostović od rijeke Krivaje kod Pavetine do Dubokog potoka,

4. Prema Mjesnoj zajednici Mahoje Duboki potok, Bun trigonometar 694, Podvolujak kota 277.

#### **Član 21.**

Mjesna zajednica Krivaja-Smailbašići obuhvata sela i zaseoke: Bare, Keseri, Fazlići, Smailbašići, Šadići, Rijeka, Krivaja, Curići, Polje, Lazendići, Tunjik, Sjenokos, Ravan, Podmalovan, Sjerkovine, Prokići, Gornje Polje, Tripunovići i Paljenik.

#### **Član 22.**

Granice Mjesne zajednice Krivaja-Smailbašići su:

1. Prema mjesnim zajednicama Pašin Konak i Brezik opisane su u članu 12. stav 3. i članu 20. stav 2.

2. Prema Mjesnoj zajednici Vozuća od rijeke Krivaje između Donjeg Brijega i Popovog osoja i pruža se sjevero-istočno preko Ljubičine strane i iza Paljenika produžava do općinske granice Banovići i dalje svojom sjevernom stranom graniči sa općinom Banovići.

***SLUŽBENI GLASNIK OPĆINE ZAVIDOVIĆI***

***broj 8/2004***

- 298 -

#### **Član 23.**

Mjesna zajednica Vozuća obuhvata sela i zaseoke: Vozuća, Gornje Polje, Delići, Pavlovići, Osječani, Hodžići, Podobala, Krš, Crnjevo Gornje, Crnjevo Donje, Bare, Bučje, Gaj, Đorići, Stakići, Vukovine, Durakovići, Prnjak, Mitrovice, Pantelići, Mrkaljevići, Brdo, Zabrd, Šikare, Cvjetovine, Jelići, Vasovine, Gare, Turčinovići, Vasići, Stošnica, Slivići, Velići, Vildani, Kalajiši, Lipa, Jelčići, Pašalići, Cvijanovići, Maričići, Kočarin, Pejići, Miljevići, Predrazi, Janjila, Stog, Hrge, Medići, Trnići, Hadžiće i Kamenica.

#### **Član 24.**

Granice Mjesne zajednice Vozuća su:

1. Prema Mjesnoj zajednici Krivaja-Smailbašići opisane u članu 22. stav 2.,

2. Granica Mjesne zajednice Vozuća sa Mjesnom zajednicom Gostović do Ljeskovca i kote 956 ostaje nepromijenjena, a od Ljeskovca i kote 956 na brdu Oštrić i koti 862 i dalje Gredom na Stolić i kotu 756, zatim istom Gredom na Visić i trigonometar 613 do izvora Zelenak i brdo Zelen do kote 277 čine granicu sa Mjesnom zajednicom Mahoje

3. Od kote 956 polazi između planine Grokovače i Duge Kose i nastavlja potokom Kozjak do ušća u potok Sajevica blizu kote 519 odakle skreće sjevero-istočno prema Žednom vrhu i između Duge kose, Lukove i Djedovog brda nastavlja do planine Prijedor,

4. Prema Mjesnoj zajednici Ribnica od planine Prijedor preko Velike carine, Lipovca, Bara do rijeke Krivaje prelazi rijeku Krivaju, nastavlja između Osječana i Savića, te završava na granici sa općinom Banovići,

5. Sjeveroistočnim dijelom graniči sa općinom Lukavac i Banovići.

#### **Član 25.**

Mjesna zajednica Ribnica obuhvata sela i zaseoke: Ribnicu, Gornju Gosovicu, Donju Gosovicu, Nišani, Lađenik, Mujići, Čizme, Vračevac, Predražiće, Prisjeku i Spasojeviće.

#### **Član 26.**

Granice Mjesne zajednice Ribnica su:

1. Prema Mjesnoj zajednici Vozuća opisane u članu 24. stav 4,
2. Prema Mjesnoj zajednici Gostović od planine Prijedor do Hamzinog brda, nastavlja u pravcu istoka i veže sa općinom Vareš,
3. Sjevero-istočnim dijelom graniči sa općinom Banovići,
4. Granice Mjesne zajednice Ribnica prema Mjesnoj zajednici Maoča opisane su u članu 36. ove Odluke.

#### **Član 27.**

Mjesna zajednica Gostović obuhvata sela i zaseoke: Gostović, Bajvate, Beše, Žioke, Borovnica, Šehići, Kozlići, Čardak, Otežnja, Drakulići, Kučice, Bijeda, Liječva, Mitrovići, Stojanovići, Kamenica, Priluk, Đurići, Božičkovići, Novakovići, Sinanovići, Tribići, Velići, Grabovica, Lug, Mrđani i Vukmanovići.

***SLUŽBENI GLASNIK OPĆINE ZAVIDOVIĆI***

***broj 8/2004***

- 299 -

#### **Član 28.**

Granice Mjesne zajednice Gostović su:

1. Prema Mjesnoj zajednici Vozuća ostaju nepromijenjene do Ljeskovca. Od Ljeskovca i kote 956 granica ide na Malić i kotu 594 do Buretine «Bajvatski mlin» i ide do «Kahrića vode» i «Hajr vode», bezimnim visom na kotu 777 do Dubokog potoka, što čini granicu sa Mjesnom zajednicom Mahoje.
2. Granica prema mjesnim zajednicama Vozuća, Ribnica, Brezik, Klek i Kovači opisane su u članu 24. stav 2., u članu 26. stav 2., u članu 20. stav 3., u članu 8. stav 2. i članu 18. stav 3. ove odluke.
3. Granice Mjesne zajednice Gostović prema Mjesnoj zajednici Donji Gostović opisane su u članu 34. ove odluke, a prema Mjesnoj zajednici Lovnica granica ide južno između sela Kučica i Martića do Visoke glavice odakle se nastavlja do administrativne granice općina Zavidovići i Žepče, a sa istočne i južne strane graniči sa općinama Vareš i Kakanj.

#### **Član 29.**

Mjesna zajednica Lovnica obuhvata sela i zaseoke: Stipovići, Donja Lovnica, Dabići, Fejzić, Faljići, Huremi, Petrušići, Dolovi, Veselinovići, Paripovići, Tadići, Vidovići, Martići, Bećirovići i naselje Dolovi.

#### **Član 30.**

Granice Mjesne zajednice Lovnica su prema Mjesnoj zajednici Klek opisane u članu 8. stav 3. ove odluke, a prema Mjesnoj zajednici Gostović u članu 28. stav 3. Odluke, a prema Mjesnoj zajednici Donji Gostović opisane u članu 34., a sa jugozapada graniči sa administrativnim granicama općina Zavidovići i Žepče.

#### **Član 31.**

Mjesna zajednica Dubravica obuhvata naselja Dubravica, Borose, Grliće, Kremenjaše, Podgaj, Aliće, te sljedeće dijelove ulica: Matije Gupca, Dubravački put, Lovački put i Hasana Kikića.

#### **Član 32.**

Granice Mjesne zajednice Dubravica polazi od bivšeg Grginog mlina na rijeci Bosni i ide zapadno sa granicom Mjesne zajednice Vinište, obuhvatajući «Stražaru 33» i zaseok Alići te potokom Lužnice do puta sa Džigera, zatim putem za Džigere do kraja Borove šume, pa se pored Borove šume penje do puta po horizontu brda kroz borove.

Putem ide do izvora Hadrovac pa potom potokom od vode Hadrovac prema pravoslavnom groblju do granice urbanog dijela grada obuhvatajući dio ulice Matije Gupca

Odatle granice ide granicom urbanog dijela grada do ulice Hasana Kikića i ulicom Hasana Kikića silazi na rijeku Bosnu i uzvodno rijekom Bosnom ide do Grginog mlina odakle je i počela.

#### **Član 33.**

Mjesna zajednica Donji Gostović obuhvata sela i zaseoke: Poljice, Petkoviće, Prnjavor, Fojnice, Paravce, Marušiće i Dediće.

### **SLUŽBENI GLASNIK OPĆINE ZAVIDOVIĆI**

**broj 8/2004**

- 300 -

#### **Član 34.**

Granica Mjesne zajednice Donji Gostović počinje od releja na Kleku, zatim ide prema rijeci Gostović, Petkovićkim potokom do njegovog ušća u rijeku Gostović, što predstavlja granicu sa Mjesnom zajednicom Klek. Od ušća petkovičkog potoka uzvodno rijekom Gostović granica ide do izvora Mihaljevac što predstavlja granicu sa Mjesnom zajednicom Lovnica. Od izvora Mihaljevac granica skreće prema brdu Šajtovac i brdom Šajtovac dolazi do planine Klek na kotu 746 i predstavlja granicu sa Mjesnom zajednicom Gostović. Granica od kote 746 ide preko planine Klek gdje se graniči sa Mjesnom zajednicom Kovači i dolazi do releja na Kleku (kota 635) odakle je i počela.

#### **Član 35.**

Mjesna zajednica Maoča obuhvata sela i zaseoke: Maoča, Stipin Han, Gornja Dištica, Donja Dištica, Lazine, Ivanovići i Borokvica.

#### **Član 36.**

Granice Mjesne zajednice Maoča počinju od rijeke Krivaje na granici sa općinom Olovo, ide do kote 352 (Oglavak), zatim ide uz Malu Maoču do kote 490, a odatle na kotu 608, od te kote granica ide sjeverozapadno prema koti 708 (Velike Rudine) i uz Skočni potok granica ide prema rijeci Krivaji (Okuč), odakle granica ide preko Popovice (kota 607) i Rudina gdje granica izlazi na kotu 751 (Gira), a odatle preko Osoja, Runješa i Bijelog bučja izlazi na kotu 950 što predstavlja granicu sa Mjesnom zajednicom Ribnica, a od kote 950 do granice sa općinom Olovo graniči sa Mjesnom zajednicom Gostović.

### **Član 37.**

Mjesna zajednica Mahoje obuhvata sela i zaseoke: Podvolujak, Volujak, Brdo, Potok, Žuber i Oštrić.

### **Član 38.**

Granica Mjesne Mahoje zajednice počinje od Podvolujaka i kote 277 odakle ide prema Bunu i trigonometru 694, zatim se spušta u Duboki potok što predstavlja granicu prema Mjesnoj zajednici Brezik. Od Dubokog potoka granica ide do kote 777 i spušta se bezimenim potokom na «Hajr vodu», a zatim pravolinijski do «Kahrića vode» i spušta se u Buretinu (Bajvatski mlin), odatle na Malić i kotu 594 i dalje na Ljeskovac i kotu 956 što čini granicu prema Mjesnoj zajednici Gostović. Od Ljeskovca i kote 956 granica ide ka brdu Oštrić i koti 862, dalje Gredom na Stolić i kotu 756, zatim istom Gredom na Visić i trigonometar 613, dalje do izvora Zelenak brdo Zelen i ponovo na Podvolujak odakle je i počela, a što čini granicu sa Mjesnom zajednicom Vozuća.

### **Član 39.**

Mjesna zajednica Dolac obuhvata naselja Dolac i Blizna.

### **Član 40.**

1. Granica Mjesne zajednice Dolac prema Mjesnoj zajednici Dolina-Alići je korito rijeke Bosne od ušća Sajlovog potoka uzvodno do parcele k.č.957 Dolac K.O. Dolac vlasništvo Ilić Stjepana sin Milana.

2. Granica Mjesne zajednice Dolac sa općinom Maglaj je korito rijeke Bosne nizvodno od parcele k.č.957 do ušća Bezimenog potoka kod «Mustafine česme» i od Bezimenog potoka od kuće Lazić Dujka do kuće Arsenović Čede i kopnene granice općina Zavidovići i Maglaj. Granicom općine Zavidovići i Maglaj granica ide jugoistočno do jezera i tu se završava.

**SLUŽBENI GLASNIK OPĆINE ZAVIDOVIĆI** broj 8/2004

- 301 -

### **Član 41.**

Sjedište mjesnih zajednica je:

1. Mjesna zajednica Branioci grada, Asim Čamdžić i Klek u ulici Dr Pinkasa Bandta (zgrada stare općine)
2. Mjesna zajednica Dolina-Alići – u mjesnom domu
3. Mjesna zajednica Pašin Konak - u mjesnom domu
4. Mjesna zajednica Mećevići – u mjesnom domu
5. Mjesna zajednica Rujnica – u mjesnom domu
6. Mjesna zajednica Kovači – u mjesnom domu
7. Mjesna zajednica Brezik – u Breziku
8. Mjesna zajednica Krivaja-Smailbašići – u mjesnom domu
9. Mjesna zajednica Vozuća – u mjesnom domu
10. Mjesna zajednica Ribnica- u mjesnom domu
11. Mjesna zajednica Lovnica – u mjesnom domu,
12. Mjesna zajednica Gostović – u mjesnom domu 7-km Sinanovići
13. Mjesna zajednica Dubravica – u mjesnom domu
14. Mjesna zajednica Donji Gostović – u Područnoj školi Poljice
15. Mjesna zajednica Maoča – u mjesnom domu
16. Mjesna zajednica Mahoje – u područnoj školi na Mahoju
17. Mjesna zajednica Dolac – u mjesnom domu



#### **Član 42.**

Podnošenje prijava za upis u Registar mjesnih zajednica vršit će predsjednici mjesnih zajednica, a za mjesne zajednice koje su u osnivanju obavt će nadležan općinski organ.

#### **Član 43.**

Mjesna samouprava ostvaruje se u mjesnoj zajednici.

Mjesna zajednica može biti osnovana za jedno naseljeno mjesto, više međusobno povezanih manjih naselja ili za veći dio naselja koji u odnosu na ostale dijelove čini cjelinu.

#### **Član 44.**

Mjesnu zajednicu osniva Općinsko vijeće ili građani referendumom.

Pravo učešća na referendumu imaju svi građani nastanjeni na područjima naseljenih dijelova za koja se osniva mjesna zajednica, koji su upisani u birački spisak.

#### **Član 45.**

Prijedlog za osnivanje mjesne zajednice može dati najmanje 10% birača upisanih u popis birača naseljenih mjesta ili naselja za čije se područje predlaže osnivanje mjesne zajednice ili razna udruženja građana sa tog područja ili Općinsko vijeće ili Općinski načelnik.

Na prijedlog iz prethodnog člana Općinsko vijeće donosi Odluku o raspisivanju referendumu radi izjašnjavanja građana o osnivanju mjesne zajednice na tom području.

Odlukom o referendumu određuje se osnivački odbor od 5 članova i vrijeme održavanja referendumu, područje za koje se osniva mjesna zajednica i drugi uslovi o sprovođenju referendumu.

Ukoliko se na referendumu izjasni natpolovična većina birača o osnivanju mjesne zajednice pristupa se izradi statuta i drugih akata i formiranju organa mjesne zajednice.

### **SLUŽBENI GLASNIK OPĆINE ZAVIDOVIĆI**

**broj 8/2004**

- 302 -

Osnivački odbor iz stava 3. dužan je pripremiti pravila i druge akte mjesne zajednice i sprovesti izbore za savjet mjesne zajednice u roku od 60 dana od dana donošenja odluke o osnivanju mjesne zajednice.

Pravila mjesne zajednice usvaja savjet mjesne zajednice.

Pravila mjesne zajednice objavljuje se u «Službenom glasniku općine Zavidovići».

Pravilima mjesne zajednice u skladu sa Ustavom, Zakonom i Statutom utvrđuje se nadležnost mjesne zajednice, koje neposredno utiču na svakodnevne potrebe i život i rad građana, kao što su:

1. izgradnja i održavanje puteva, kanalizacije, vodovoda i drugih komunalnih potreba,
2. uređenje naselja, izgradnja i održavanje javnih prostora, nasada, sportskih objekata, objekata kulture i zabave i sl.,
3. izgradnja i održavanje javnih grobalja, ukoliko ova nadležnost nije prenijeta na druge organe i organizacije,
4. čišćenje javnih površina i zaštita okolice,
5. obavlja i druge poslove od interesa za život i rad građana u mjestu stanovanja, određene Statutom mjesne zajednice i drugim propisima.

#### **Član 46.**

Zadovoljavanje potreba i interesa građana u mjesnoj zajednici finansira se iz:

- sredstava građana, koji oni udružuju putem samodoprinosu ili na drugi način,
- naknada za usluge i drugih prihoda, koje svojim aktivnostima ostvaruju mjesne

zajednice,

- prihoda koje Općina ustupa mjesnoj zajednici, u skladu sa planovima razvoja mjesne zajednice, odnosno općine,
- naknada koje mjesna zajednica propisuje za korištenje objekata i imovine mjesne zajednice,
- poklona i drugih sredstava.

#### **Član 47.**

Odlukom Općine može se mjesnoj zajednici prenijeti vršenje poslova iz samoupravnog djelokruga općine koji su od neposrednog uticaja na život i rad građana na području mjesne zajednice.

Odlukom iz prethodnog stava utvrđuju se i obezbjeđuju sredstva koja općina prenosi na mjesnu zajednicu.

#### **Član 48.**

Mjesna zajednica ima svojstvo pravnog lica i stiče ga danom upisa u registar mjesnih zajednica koji vodi nadležna općinska služba za upravu.

Općinsko vijeće posebnom odlukom utvrđuje postupak registracije i način vođenja registracije i organe koji vode registar mjesnih zajednica.

#### **Član 49.**

Mjesna zajednica ima svoj finansijski plan prihoda i rashoda.

Finansijski plan prihoda i rashoda iz prethodnog stava donosi Savjet mjesne zajednice.

### **SLUŽBENI GLASNIK OPĆINE ZAVIDOVIĆI**

**broj 8/2004**

- 303 -

#### **Član 50.**

Mjesna zajednica ima Pravila mjesne zajednice.

Pravila mjesne zajednice, po prethodno obavljenoj javnoj raspravi, usvaja Savjet mjesne zajednice dvotrećinskom većinom ukupnog broja članova Savjeta mjesne zajednice.

#### **Član 51.**

Pravilima mjesne zajednice, u skladu sa zakonom i Statutom, uređuje se postupak osnivanja mjesne zajednice, njena nadležnost, organi mjesne zajednice, način njihovog izbora i opoziva, njihova nadležnost, način finansiranja djelatnosti mjesne zajednice, postupak provođenja referenduma za područje mjesne zajednice ili za dijelove područja mjesne zajednice, odnos prema općini i njenim organima, odnos prema pravnim licima na području mjesne zajednice i druga pitanja od značaja za organizaciju i rad mjesne zajednice.

#### **Član 52.**

Organi mjesne zajednice su:

1. zbor građana,
2. savjet mjesne zajednice.

#### **Član 53.**

Broj članova Savjeta mjesne zajednice utvrđuje se Pravilima mjesne zajednice, koji ne može biti manji od 7, niti veći od 15 članova.

Savjet mjesne zajednice biraju građani sa područja mjesne zajednice, koji imaju opće biračko pravo javnim glasanjem.

Nacionalna struktura Savjeta mjesne zajednice mora odražavati nacionalnu strukturu stanovništva mjesne zajednice.

Mandat članova Savjeta mjesne zajednice traje 4 (četiri) godine.

#### **Član 54.**

Savjet mjesne zajednice donosi program rada, finansijski plan prihoda i rashoda mjesne zajednice, poslovnik o radu i vrši druge poslove.

Savjet mjesne zajednice iz svojih redova bira predsjednika Savjeta mjesne zajednice na period od 4 (četiri) godine.

Predsjednik Savjeta mjesne zajednice predstavlja mjesnu zajednicu, saziva sjednice Savjeta i predsjedava im, izvršava zaključke i odluke Savjeta mjesne zajednice, predlaže finansijski plan i naredbodavac je za izvršenje finansijskog plana, obavlja i druge poslove utvrđene Statutom mjesne zajednice.

Predsjednik Savjeta mjesne zajednice za svoj rad odgovara Savjetu mjesne zajednice.

Predsjednik Savjeta mjesne zajednice saraduje sa Općinskim načelnikom i drugim organima općine i odgovoran je Općinskom načelniku i Općinskom vijeću za one poslove i zadatke, koji su posebnom odlukom preneseni u nadležnost mjesne zajednice.

#### **Član 55.**

Savjet mjesne zajednice obavezan je značajnije odluke i planove koji su od neposrednog interesa za građane ili koji zahtijevaju neposredna materijalna davanja građana iznijeti na javnu raspravu na zborove građana.

Zborove građana zakazuje Savjet mjesne zajednice, a predsjednik Savjeta mjesne zajednice Odlukom o zakazivanju zbora utvrđuje vrijeme održavanja zbora, dnevni red, lice koje će rukovoditi zborom građana, zapisničara zbora građana.

***SLUŽBENI GLASNIK OPĆINE ZAVIDOVIĆI*** broj 8/2004

- 304 -

Zbor građana bira dva ovjerivača zapisnika.

Zbor građana punovažno odlučuje ako istom prisustvuje najmanje 10% birača sa područja za koji se zbor zakazuje, a odluke donosi natpolovičnom većinom prisutnih građana na zboru.

Ako se na ponovljenom zboru građana ne odazove potreban kvorum iz stava 3. ovog člana, a odluke i zaključci su neophodni i hitni, zbor će se održati i odluke i zaključci su punovažni, ako je za njih glasala natpolovična većina prisutnih na tom zboru.

Savjet mjesne zajednice na zborove građana, radi razmatranja, obavezno dostavlja prijedlog pravila, prijedlog odluke o izmjenama i dopunama pravila mjesne zajednice, godišnje i srednjoročne planove razvoja mjesne zajednice, urbanističke planove i dr.

#### **Član 56.**

Administrativne, stručne i druge poslove za mjesne zajednice obavljaju sekretari mjesnih zajednica, a to su:

- pripreme općih akata organa mjesne zajednice i pružanje stručne pomoći pri izradi drugih akata,
- stručni poslovi iz oblasti odbrane i civilne zaštite iz nadležnosti mjesne zajednice,
- izvršavanje akata Općinskog vijeća i Općinskog načelnika koji se odnose na mjesne zajednice,
- vođenje poslova evidencije u oblastima za koje su nadležni organi mjesne zajednice,
- pružanje stručne i tehničke pomoći u radu organa mjesne zajednice,

- tehničke pripreme za održavanje zborova građana,
- drugi poslovi utvrđeni aktima Općinskog vijeća i Općinskog načelnika.

Služba Općinskog vijeća i Općinskog načelnika će koordinirati poslove mjesnih zajednica.

#### **Član 57.**

U slučajevima vanrednih okolnosti (ratna opasnost, bezbjedonosna situacija, prirodne nepogodnosti i sl.), Općinski načelnik može svojim aktom utvrditi posebna ovlašćenja za organe mjesne zajednice iz nadležnosti općinske uprave.

#### **Član 58.**

Ova Odluka stupa na snagu prvog narednog dana od dana objavljivanja u «Službenom glasniku općine Zavidovići».

#### **Član 59.**

Danom stupanja na snagu ove Odluke, prestaje da važi Odluka o osnivanju, organizaciji i funkcionisanju mjesnih zajednica na području općine Zavidovići («Službeni glasnik općine Zavidovići», broj 5/99; 2/2001; 11/2001; 5/2002 i 7/2003).

OPĆINA ZAVIDOVIĆI  
- OPĆINSKO VIJEĆE -

**Komisija za statut i propise**

Broj: 01-05-2258/04  
Datum, 04.06.2004.godine

PREDSJEDNIK  
KOMISIJE ZA STATUT I PROPISE

Šemsudin Muhić, dipl.pravnik, s.r.

(M.P.)